

**BERITA DI
SINI:**
Kem Hutan 1
2018

IIMI 2018 1

MPSJ - Program 2
Pendidikan Hutan

Unshackling 2
Young Academics

Kelestarian Hi- 2
jau

NLOC 2018 3

FOSTECH 3

CELIK - Kanaga- 3
wa Institute

Kursus Herba 4
TNB

Kursus S&R 4

Bioprocess Mag- 4
netic Day

SMK Taman 5
Desaminium

MOE - Signature 5
Mobility Pro-
gramme

Jelajah Hutan 5
bersama KPJPT

MPSJ - Lawatan 6
Akademik

Mentor-mentee 6
UPM STEM

Tadika Cerdik - 6
Program Alam

Sahabat Masjid 7
Siri 2

Zoologico 7

KUKPA 7

BERITA SISFEC

ISU 2/2018

FAKULTI PERHUTANAN

KEM PERHUTANAN 2018

Puchong, 18 Ogos - Kem Perhutanan merupakan salah satu komponen dalam Latihan Kerja Praktik yang merupakan syarat untuk pelajar Fakulti Perhutanan bergraduat (2 kredit).

Antara objektif kem tersebut ialah untuk menggalakkan interaksi dan memupuk semangat setiaawan, keberjasamaan dan toleransi di kalangan pelajar berbilang kaum dan membentuk personaliti yang serba boleh dan sentiasa bersedia untuk menghadapi cabaran profesional Perhutanan.

Program ini dijalankan untuk semua pelajar tahun pertama

Bachelors Sains Perhutanan, Bachelors Sains Teknologi Kayu dan Bachelors Sains Taman dan



Perasmian oleh DYMM Sultan Selangor Sultan Sharafuddin Idris Shah yang juga Canselor UPM pada 21 Mac 2012.

Rekreasi selama dua minggu bagi setiap kumpulan bermula dari 5 Ogos hingga 18 Ogos 2018. Seramai 145 orang pelajar telah mendaftar untuk program Kem Perhutanan 2018 ini.

Pengurus Kem Hutan 2018 ini

ialah Dr. Adlin Sabrina Muhammad Roseley, telah menggariskan matlamat Kem Hutan 2018 kali ini adalah melatih pelajar yang berupaya menarangkan kepentingan perhutanan dan membentuk sifat kepimpinan dan personaliti unggul untuk menghadapi cabaran profesional perhutanan peringkat setempat dan nasional. Kem kali ini juga dibantu oleh para pensyarah, staf dan pelajar senior Fakulti Perhutanan.

Masjli Perasmian Penutup Kem diceriakan lagi dengan kehadiran YBhg. Prof. Dr. M. Iqbal Saripan Timbalan Naib Canselor (Akademik & Antarabangsa) sekaligus merasmikan penutupan Kem Hutan 2018.

PROGRAM INTERNATIONAL INBOUND MOBILITY INITIATIVES (IIMI 2018)



Puchong, 18 Ogos - Pada 5 hingga 18 Ogos 2018 telah diadakan

Program International Inbound Mobility Initiatives (IIMI 2018) di mana peserta adalah seramai 20 orang pelajar yang terdiri daripada pelajar antarabangsa dari Institut Pertanian Bogor, Indonesia (IPB), Universitas Brawijaya, Jawa Timur, Indonesia, Universitas Mataram, Nusa Tenggara Barat, Indonesia dan Universitas Hasanuddin, Sulawesi Selatan, Indonesia (UNHAS).

Program ini adalah salah satu program Summer Camp anjuran Fakulti Perhutanan dan para peserta juga turut bersama mengikuti Kem Hutan 2018 yang diadakan di SISFEC.

Program Pendidikan Perhutanan MPSJ



Penerangan berkenaan tumbuhan dan herba hutan oleh staf SISFEC

Puchong, 4 Ogos – Majlis Perbandaran Subang Jaya (MPSJ) bersama Fakulti Perhutanan UPM telah menganjurkan Program Pendidikan Perhutanan dengan melibatkan seramai 40 orang awam beserta dua pegawai daripada MPSJ.

Program ini bertujuan memberi pendedahan kepada masyarakat berkaitan kepentingan hutan dan peranannya. Para peserta di bawa berjalan ke dalam hutan melalui denai-denai hutan. Sepanjang perjal-

anan, para peserta diberikan penerangan ringkas mengenai flora dan fauna.

Pada akhir program, peserta diharapkan dapat bersama-sama memelihara dan mempertahankan kehijauan hutan dan alam sekitar.



Program Unshackling Young Academics

Puchong, 28 Ogos – Pada 28 Ogos 2018, Program *Unshackling Young Academics* telah diadakan di SISFEC. Program anjuran Pejabat Pendaftar UPM dengan kerjasama Fakulti Perhutanan ini merupakan platform khas perkongsian idea, pengalaman dan pengetahuan secara holistik dalam kalangan pensyarah muda ke arah pencapaian misi dan visi UPM.

Program berbentuk Team Building ini telah disertai seramai 25 orang pensyarah muda dari pelbagai PTJ UPM. Dikendalikan oleh Dr. Mohd Hafizal Ismail (Fakulti Perhutanan), peserta telah melalui beberapa siri modul aktiviti lapangan yang memberi fokus dalam pembangunan kepimpinan, komunikasi kreatif, peningkatan keyakinan diri, menguatkan ketahanan

fizikal dan mental, semangat berkumpulan dan meningkatkan kerjasama berpasukan.



Kelestarian Hijau @ SISFEC

Puchong, 30 Ogos - Pada 30 Ogos 2018 yang lalu, pihak Kolej-Kolej Kediaman, Universiti Putra Malaysia (UPM) telah mengadakan lawatan Kelestarian Hijau ke SISFEC. Objektif lawatan ini adalah bertujuan memberi pendedahan kepada staf kolej kepada kepentingan mengekal-

kan keindahan alam semulajadi dan juga menambah ilmu pengetahuan tentang kepelbagaiannya biologi yang terdapat di hutan tropika.

Pada akhir lawatan ini, para peserta boleh mengaplikasikan pengetahuan mengenai alam sekitar di kolej kediaman masing-masing dalam mempel-

bagaikan tanaman hijau. Para peserta seramai 68 orang yang terdiri daripada kakitangan semua kolej kediaman UPM.



Antara aktiviti di SISFEC

Nobel Laureate Outreach Camp 2018 di SISFEC



Puchong, 25 Feb- Masih mengekalkan tema “Scientist of Tomorrow”, program Nobel Laureate’s Outreach Camp (NLOC 2018) kali ke-5 yang telah diadakan pada 27 – 30 Ogos 2018 dengan berpusat di Universiti Putra Malaysia

Pebin-cangan bersama Pensyarah Pembimbing (UPM). Seramai 20 pelajar dari 192 pelajar tingkatan empat yang terpilih dari 35 Maktab Rendah Sains Mara (MRSRM) telah memilih SISFEC sebagai lokasi.

Program penganjuran kali ke-5 dengan kerjasama Bahagian Pendidikan Menengah Majlis Amanah Rakyat (MARA), Fakulti Sains, Fakulti Pertanian, Fakulti Perhutanan dan Fakulti Sains Komputer & Teknologi Maklumat UPM

bertujuan untuk memberikan pendedahan baharu kepada para pelajar MRSRM tentang keunikan ilmu sains dalam kehidupan sehari-hari. Selain daripada dapat menimba pengalaman dan pengetahuan baru, program ini juga secara tidak langsung menarik perhatian para pelajar ini untuk menyambung pengajian ke UPM pada masa akan datang. Para peserta dipecahkan kepada beberapa kumpulan. Antara aktiviti yang dijalankan adalah pengumpulan serangga, mengukur kualiti air, pemantauan burung, mengenali pokok hutan.



“memberikan
pendedahan
baharu
kepada para
pelajar
tentang
keunikan ilmu
sains dalam
kehidupan
seharian”

Kursus Pemantapan Organisasi 2018

Puchong, 2 Sept- Persatuan Mahasiswa Fakulti Sains dan Teknologi Makanan (FOSTECH), UPM telah mengadakan Kursus Pemantapan Organisasi 2018 di SISFEC selama 2 hari 1 malam. Program yang berlangsung pada 31 Ogos hingga 1 September ini telah dihadiri seramai 20 orang peserta di mana mereka ini adalah terdiri daripada Ahli Jawatankuasa yang baru dilantik. Kursus ini bertujuan mempelajari cara-cara mengendalikan se-

buah organisasi serta mendapat pengetahuan dalam menguruskan tugas-tugas yang telah dia-mahkan.

Selain daripada itu, kursus ini juga menjadi platform bagi merancang dan mengatur aktiviti FOSTECH sepanjang sesi 2018/2019. Antara modul aktiviti luart telah dikendalikan oleh Pensyarah dan pelajar Fakulti Perhutanan UPM



Cultural Engagement language Interaction & Knowledge (CELIK) - With Kanagawa Institute of Technology, Japan

Puchong 29 Ogos - Pada 29 Ogos 2018 , Pusat Pemajuan Kompetensi Bahasa, UPM (CALC)dengan kerjasama Fakulti Perhutanan UPM telah menjalankan Program Cultural Engagement, Language Interaction and Knowledge (CELIK) untuk Kanagawa Institute of Technology, Japan .

Seramai 9 pelajar dan 1 kakitangan pengiring daripada Kanazawa In-

stitute of Technology Japan telah terlibat dalam program ini. Seorang Pensyarah Fakulti Perhutanan telah diberi tanggung-jawab untuk mengendalikan modul untuk program ini.

Antara aktiviti yang dijalankan termasuk pengenalan kepada kepelbagaiannya spesies burung, interpretasi alam hutan dan aktiviti penanaman pokok.



Modul aktiviti bersama pensyarah
Fakulti Perhutanan di dalam hu-
tan.

KURSUS TANAMAN DAN RAHSIA HERBA SIRI 3/2018 -BERSAMA TENAGA NASIONAL BERHAD (TNB)



Penerangan di lapangan oleh tenaga pengajar

Puchong, 25 Okt – SISFEC Fakulti Perhutanan sekali lagi dengan kerjasama Tenaga Nasional Berhad (TNB) dan Tuan Hj. Tajuddin Abd Manap (mantan staf UPM) telah menganjurkan Kursus Tanaman dan Rahsia Herba untuk Siri 3 kepada bakal pesara kakitangan Tenaga Nasional Berhad (TNB) pada 25 Oktober 2018 di SISFEC. Kursus ini telah disertai seramai 25 orang kakitangan TNB yang bakal bersara.

Tujuan kursus ini adalah untuk memberi pendedahan kepada peserta berkenaan ilmu pengecaman pokok herba, pengurusan dan penanaman herba secara komersial, pengurusan tapak semaiherba dan mengenalpasti peluang-peluang berkaitan industri herba.

Penceramah dan pengajar untuk kursus ini adalah Tuan Hj Tajuddin Abd Manap dan kakitangan SISFEC.

Lawatan di lapangan juga diadakan di mana para peserta

dijar cara mengenalpasti dan membuat pengecaman pokok herba di persekitaran yang boleh didapati.



“Pendedahan kepada peserta berkenaan ilmu pengecaman pokok herba, pengurusan dan penanaman herba secara komersil”



Pensyarah dan pelajar dari Jab. Teknologi Bioproses, FBSB



Kursus Asas Mencari dan Menyelamat Siri 1/2018 @ SISFEC

Puchong, 6 Okt- Balai Bomba dan Penyelamat Puchong bersama Persatuan Kepolisian Komuniti Malaysia (Policing) telah menjalankan Kursus Latihan Asas Mencari dan Menyelamat di SISFEC.

Kursus ini bertujuan memberi latihan asas dan meningkatkan tahap keupayaan anggota sukarelawan Community Emergency Response Team (CERT) agar dapat menghulurkan

bantuan ketika berlaku kecemasan.

Seramai 27 peserta telah menyertai kursus yang diadakan pada 6 Oktober 2018 selama 1 hari. Antara pengisinya adalah seperti mencari orang hilang di dalam hutan, menyelamatkan mangsa lemas dan mangsa mendapat kecederaan di dalam hutan.

Staf SISFEC juga turut serta dan membantu dalam men-

jayakan beberapa modul di lapangan.



Program ‘Bioprocess Magnetic Day’

Puchong, 23 Sept- Jabatan Teknologi Bioproses, Fakulti Bioteknologi dan Sains Biomolekul UPM telah mengadakan Program Bioprocess Magnetic Day di SISFEC. Program ini merupakan program tahunan jabatan tersebut bertujuan mengeratkan interaksi dan kemesraan antara semua pelajar baru dan lama Bachelor

Sains Bioteknologi, kakitangan pelaksana dan Penasihat Akademik. Selain dapat menceriaikan minda dan mencergaskan fizikal, melalui program ini dapat memupuk sikap ingin bersaing secara sihat. Program selama 2 hari yang bermula pada 22 hingga 23 September ini telah dihadiri oleh seluruh warga jabatan dan pelajar

seramai 164 orang.



Perkhemahan Ibadah & Pembinaan Sahsiah Diri

- SMK Taman Desaminium di SISFEC



Aktiviti pengenalan pokok hutan sedang berjalan.

Puchong, 15 Okt- Sekolah Menengah Kebangsaan Taman Desaminium Selangor telah mengadakan Perkhemahan Ibadah dan Pembinaan Sahsiah Diri di SISFEC. Kem ini telah dijalankan bermula pada 13 hingga 14 Oktober 2018 selama 2 hari 1 malam dan penglibatan seramai 70 orang pelajar dan 10 orang guru telah menyertai kem ini. Matlamat kem ini adalah untuk memberi pengetahuan mengenai amalan solat dan penghayatan cara hidup Islam di samping itu peserta juga didedahkan dengan pengetahuan asas mengenai alam sekitar dan pokok-pokok hutan yang terdapat di SISFEC.

Antara aktiviti yang dijalankan seperti ceramah motivasi, aktiviti indoor dan jelajah hutan.



“Peserta didedahkan dengan pengetahuan asas mengenai alam sekitar dan pokok-pokok hutan.”

MOE Signature Mobility Programme @ SISFEC

Puchong, 24 Okt- MOE Signature Inbound Mobility Programme 2018 anjuran Kementerian Pendidikan Malaysia (KPM) merupakan program bersama para pelajar dari sekolah tinggi di Indonesia. Program yang disertai oleh 50 orang pelajar, serta 5 orang guru kaunseelor diadakan bertujuan untuk membina jaringan kerjasama di antara KPM dan Kementerian Pendidikan Tinggi Luar Negara di samping membantu memberi pendedahan serta mewujudkan



interaksi harmoni di antara pelajar tempatan dan antarabangsa. Salah satu program telah diadakan di SISFEC iaitu pada 24 Oktober 2018. Modul aktiviti telah dilaksanakan oleh para pensyarah Fakulti Perhutanan dibantu oleh

pelajar.

Antara aktiviti yang dijalankan adalah Modul Fauna, Earth, Survival Kitchen, Paintball, River dan Tree.



Jelajah Hutan bersama Ketua Pengarah Pendidikan Tinggi

Puchong, 7 Ogos- Pada 7 Ogos 2018, Jabatan Pendidikan Tinggi, Kementerian Pendidikan Malaysia telah mengadakan lawatan dan program di SISFEC. Turut hadir Ketua Pengarah, Kementerian Pengajaran Tinggi, YBhg. Datin Paduka Ir. Dr. Siti Hamisah Binti Tapsir bersama 15 orang pegawai daripada Kementerian Pengajaran Tinggi (KPT). Program tersebut diadakan bertujuan untuk men-

erapkan gaya hidup sihat antara warga KPT disamping melihat kawasan yang menjadi lokasi para



pelajar UPM dalam melaksanakan aktiviti berkaitan pendidikan, penyelidikan dan pengembangan dalam bidang perhutanan.

Program turut disertai oleh staf SISFEC sebagai pelaksana modul aktiviti.



Sesi bergambar bersama KP Pendidikan Tinggi

Lawatan Akademik MPSJ ke SISFEC



Taklimat keselamatan oleh staf SISFEC

Puchong, 29 Okt – Majlis Perbandaran Subang Jaya (MPSJ) telah mengadakan Program Lawatan Akademik ke SISFEC pada 27 Oktober 2018.

Seramai 35 orang peserta terdiri daripada pegawai dan kakitangan MPSJ telah menyertai program ini.

Program ini bertujuan memberi pendedahan dan mempelajari tentang ekosistem perhutanan dan mempelajari serta menghayati pengalaman berada di dalam

susana hutan yang kaya dengan sumber flora dan fauna. Selain itu, peserta juga dapat memupuk semangat menghargai alam sekitar dan meningkatkan daya tahan, komunikasi dan kerjasama berpasukan.

Sepanjang program peserta telah diberi taklimat mengenai pemeliharaan dan pemuliharaan hutan, asas pengemaman pokok dan aktiviti jelajah hutan.



“Memberikan pendedahan kepada pelajar sekolah tentang kepentingan kepelbagaiannya biologi flora dan fauna”



Program Mentor-mentee UPM STEM @ SISFEC

Puchong, 31 Okt- Fakulti Sains telah menganjurkan program mentor-mentee UPM STEM di SISFEC pada 31 Oktober 2018. Seramai 40 orang pelajar tingkatan 1 dan 2 dari SMK Sri Andals, Klang telah menyertai program ini. Program juga dibantu oleh staf SISFEC Fakulti Perhutanan dalam pelaksanaan aktiviti di lapangan. Program ini bertujuan memberikan

pendedahan kepada pelajar sekolah mengenai kepentingan kepelbagaiannya biologi flora dan fauna. Di samping itu, mereka juga akan dide dedahkan kepada teknik penyediaan specimen herbarium. Dalam program ini, peserta dibahagikan kepada 4 kumpulan dan bagi sesi pertama mereka akan bergerak ke empat stesen iaitu stesen pokok, stesen kumbang, stesen kelawar dan

stesen air. Sesi kedua pelajar akan belajar cara menyediakan spesimen herbarium.



Aktiviti berjalan di dalam hutan bersama pelajar tadika dan guru



Program Alam Sekitar bersama Tadika Cerdik

Puchong, 3 Nov– Pada 3 November 2018, Fakulti Perhutanan dan Tadika Cerdik Saujana Puchong 9 telah menjalankan Program Alam Sekitar bersempena sambutan Hari Keluarga Tadika Cerdik di SISFEC. Program ini dihadiri 100 orang yang terdiri daripada kanak-kanak berumur 3 sehingga 6 tahun, ibu bapa dan

juga 6 orang guru. Aktiviti yang julung-julung kali diadakan tadika ini bertujuan untuk memberi pengenalan kepada kanak-kanak dan guru untuk mengenali alam semulajadi dan flora dan fauna yang terdapat di sekeliling. Program ini juga merupakan usaha SISFEC Fakulti Perhutanan untuk berkongsi ilmu pengetahuan

kepada masyarakat di sekeliling tentang usaha pemeliharaan dan pemuliharaan hutan Malaysia oleh UPM.



Program Penghayatan Alam dan Tadabbur Siri 2



Puchong, 6 Nov- Pada 4 November 2018, Sahabat Masjid UPM dengan kerjasama Fakulti Perhutanan sekali lagi telah mengadakan Program Penghayatan Alam dan Tadabbur Alam di SISFEC. Peserta seramai 30 orang pelajar

Aktiviti pengenalan pokok hutan sedang berjalan.

terdiri daripada golongan asnaf. Program ini bertujuan menerapkan nilai-nilai kerohanian melalui penghayatan terhadap ciptaan ALLAH S.W.T di samping dapat melahir dan membentuk generasi muda yang menghargai alam sekitar. Selain itu, perasaan cinta kepada alam sekitar dan hasrat untuk mengekalkan dan memulihkan persekitaran hijau yang bebas dari masalah pencemaran dapat

dipupuk. Pensyarah, staf dan pelajar Fakulti Perhutanan juga terlibat dalam mengendalikan aktiviti ini.



“menerapkan nilai-nilai kerohanian melalui penghayatan terhadap ciptaan ALLAH S.W.T.”

Program Zoologico

Puchong, 13 Nov- Pada 13 November 2018, Persatuan Mahasiswa Perubatan Veterinar (VETERNAK) sekali lagi telah mengadakan aktiviti Frogging buat kali yang ke-9.

Peserta seramai 19 orang siswi dari Fakulti Perubatan Veterinar. Program dimulakan dengan taklimat mengenai Anuran yang disampaikan oleh Dr. Marina Mohd. Top, pensyarah daripada Pusat Asasi Sains Pertanian. Sesi



diteruskan dengan aktiviti penjelajahan ke dalam hutan dengan melalui sungai dan denai bagi mencari dan mengenali pelbagai spesies katak dan kodok yang terdapat di SISFEC.

Program bermula jam 6.00 petang

dan tamat pada jam 12.30 malam.



Program Kesukarelawan Asasi (KUKPA)

Puchong, 23 Dis- Pada 23 Disember 2018, Kolej Mohammad Rashid (KMR) telah menganjurkan Program Kesukarelawan bagi pelajar asasi di Hutan Simpan Ayer Hitam melibatkan seramai 105 Orang pelajar. Program yang dijalankan melibatkan aktiviti pembersihan di kawasan jalan utama, ka-

jar telah dibahagikan mengikut zon-zon yang telah ditetapkan antaranya, kawasan jalan utama, ka-



wasan tapak perkhemahan, dan kawasan penginapan. Di akhir program, para pelajar di bawa ke sungai untuk aktiviti pembersihan sungai. Dengan adanya program berbentuk kesukarelawan ini dapat memupuk kesedaran diri pelajar tentang kepentingan menjaga kebersihan alam sekitar.





Hubungi

Pusat Pendidikan Perhutanan Sultan Idris Shah
Fakulti Perhutanan
Universiti Putra Malaysia

TALIAN:
(03) 8946 7171 /
(03) 8947 1381

Info lanjut sila Layari:
<http://www.forr.upm.edu.my/>

Penasihat/Pengerusi:

Prof. Dr. Mohamed Zakaria Hussin

Sidang Redaksi:

Ketua Editor:

Mohd Farhan Shahrin

Penolong Editor:

Kamarulizwan Kamaruddin

Mohd Naeem Abd. Hafiz

Anggota Redaksi:

Noor Hafiz Osman

Fazli Shariff

Mohd Fakhrullah Mohd Noh

Nor Azlina Azizdim

Siti Zurina Zakaria

Mengenai Fakulti Perhutanan.....

Fakulti Perhutanan merupakan salah satu daripada Fakulti asas semasa penubuhan Universiti Putra Malaysia (duku dikenali sebagai Universiti Pertanian Malaysia) dalam tahun 1971.

Misi Fakulti adalah menjadi Pusat Pembelajaran dan Pendidikan yang unggul dalam bidang perhutanan tropika, yang menyumbangkan bukan sahaja kepada kemajuan manusia dan penerokaan ilmu tetapi juga kepada pembentukan kekayaan dan pembangunan negara.